

明詩別裁集

掃葉山房
石印

明詩別裁集

卷之六

明詩別裁集卷四



長洲 沈德潛確士 同輯
周 準欽萊

莊

景

景字孔瞻江浦人成化丙戌進士官翰林校檢討以諫謫官後選南京吏部郎中天啟初追謚文節

端午日賜粽有感

蓬萊宮中懸艾虎。舟滿龍池競簫鼓。千官曉綴紫宸班。拜向彤墀賀重午。大官角黍菰蒲香。絲繩萬縷雲霞光。天恩敕賜下丹陛。瓊筵侑以黃金觴。東南米價高如玉。江淮餓莩千家哭。官河戍卒十萬艘。總向天厨挽飛粟。君家大嚼心豈安。誰能持此回彫殘。小臣自愧悠悠者。無術救時真素餐。杜老心事理學人何必專作頭巾語

憶舍弟

天邊聞一雁。杳杳向南徂。今夜西風冷。他鄉小弟孤。五人千里去。九月一無書。欲寄千行淚。憑誰達客途。一氣揮灑絕去對偶之迹

戴

縉縉南海人成化丙戌進士累官工部尚書

楚江旅懷

薄暮過瀟湘。秋空楚水長。黃蘆千里月。紅葉萬山霜。客夢懸雙闕。鄉心逐五羊。羈情誰與晤。勞者若為傷。

周

瑛

瑛字梁石。莆田人。成化己丑進士。官至四川右布政。

履霜操

父兮兒憎。母兮兒怒。跼天踏地。憎不知其故。父在高堂。兒在郊圻。晨興履霜。踵血淋漓。荷衣不暖。捋食不飽。不即捐溝壑。念我父母。父本兒愛。母本兒憐。一朝放逐。實兒之愆。維鳥有殷。維蟲有羸。父兮母兮。其或歸我。昌黎作過於怨矣。此方是怨而不怨。與昌黎拘幽操一忠一孝並有千古。

吳

寬

寬字原博。長洲人。成化壬辰。賜進士第一。授翰林修撰。累官禮官。尚書。贈太子太保。諡文定。

賦黃樓送李貞伯

維河有原。星宿同導。河積石思神功。濁流汗漫失故道。積石却與湟淵通。平郊脫轡萬馬逸。一夜徑渡徐州洪。徐州太守蘇長公。夜呼卒伍登城墉。一身未足捍大患。豈無木柵兼竹籠。戲馬臺傍二十里。築堤橫互長如虹。高城不浸三版耳。挽回魚鼈仍耆童。防河錄成天有工。黃樓高起城之東。五行有土可制水。底用四壁塗青紅。太守登樓賓客從。舉杯酌水臨長風。河伯俯首受約束。不敢更與城爭雄。水流滔滔向東去。紆徐演漾殊從容。負薪投壁竟何用。漢家浪築宣房宮。目公去後五百載。水流無

盡思無窮。我生慕公公不逢。安得置我茲樓中。賴濱淮海獨何幸。留得兩賦摩蒼穹。
鳳池舍人今李邕。南行別我何怱怱。此邦萬靈日凋瘵。賴爾繼續前賢踪。暇日登高
倘能賦。封題須附冥飛鴻。

楊一清

一清字應寧雲南安寧州人成化壬辰進士歷官戶部尚書進少師贈太保謚文襄

甘涼道中書事感懷

殊矢威天下。雷霆震域中。大兵方出塞。小醜自相攻。繼絕君王義。宣威將帥功。從今
宵旰慮不復。在西戎。不復在西戎言所憂者正多也大臣心事昭然如揭

山丹題壁

關山逼仄人踪少。風雨蒼茫野色昏。萬里一身難獨任。百年多事共誰論。東風四月
初生草。落日孤城早閉門。記取漢兵追寇地。沙場猶有未招魂。

將至寧夏

奉詔西征駐節時。元戎奏凱已先期。苗民自逆三旬命。獵狝何勞六月師。燈大家家
開夜戶。弓刀處處捲風旗。益兵加賦休重論。財賦於今兩不支。

文

林林字宗儒長洲人成化壬辰進士官至温州知府

舟中有懷林待用

渺渺長波映遠空。依依新柳颺春風。相思人在青山外。盡日舟行細雨中。汲黯身為漢廷重。杜陵詩到錦城工。天王明聖江湖遠。贏得馳驅兩鬢蓬。

王 鑒 鑒字濟之吳縣人成化乙未賜進士第三累官御史部侍郎進少傅贈太傅諡文恪

贈梁都憲巡撫四川

赤甲白鹽雄作鎮。鐵冠繡斧凜先聲。雪山已為來時重。黑水應聞去後清。殿上位虛中執法。邊頭人散小團營。憑誰說與蘇允明。畫像無煩記姓名。
人散小團營謂亂萌不作猶張方平之鎮蜀也

馬中錫 中錫字天錄故城人成化乙未進士官至左都御史

晚渡咸陽

野色蒼茫接渭川。白鷗飛盡水連天。僧歸紅葉林間寺。人喚斜陽渡口船。表裏山河猶往日。變遷朝士已多年。漁翁看破興亡事。獨坐秋風釣石邊。

元世祖廟

世祖祠堂帶夕曛。碧苔年久暗碑文。薊門此日瞻遺像。起輦何人識故墳。棹楔半存蒙古字。陰廊尚繪伯顏軍。可憐老樹無花發。白晝鵲鳴到夜分。
起輦谷名元諸陵在焉曹潔躬云用事典實鑄詞

凄婉可稱絕唱

邵 寶 寶字國賢無錫人成化甲辰進士歷官至南京禮部尚書諡文莊

孫翊妻

夫死矣。妾何敢生。夫讎為重身為輕。賊尚生。妾何敢死。軍中幸有報恩子。號召如風。赴如水。斷賊頭。祭夫墓。白日下高天。何處黃泉路。

乞終養未許

乞歸未許奈親何。帝里風光夢裏過。三月春寒青草短。五湖天遠白雲多。客囊衣在縫猶密。驛騎書來字欲磨。聖主恩深臣分淺。百年心事兩蹉跎。

喬

字希大山。西平樂人。成化甲辰進士。累官吏部尚書。加少保。謫莊簡。

秋風亭下泛舟

荒亭寥落野煙空。漢武雄才想象中。簫鼓應聲開畫鷁。帆檣飛影動晴虹。山分秦晉羣峰斷。水入河汾兩派通。少壯幾時還老大。不須回首歎秋風。

王雲鳳

雲鳳字應韶。遼州和順人。成化甲辰進士。官至右僉都御史。

送客

雲氣溟濛雨欲絲。飄飄遊子別離時。愁看陌上青青草。送盡行人總不知。

文

森字宗嚴。長洲人。成化丁未進士。歷官右僉都御史。江西巡撫。

九日

三載重陽菊。開時不在家。何期今日酒。忽對故園花。野曠雲連樹。天寒雁聚沙。登臨無限意。何處望京華。

沈子山云語不必深自然
蘇籍此詩亦見何大復集

沈

周

周字叔南長洲人景泰中郎守以賢良應詔辭不赴
白如山雨乍來
蘇湘溼溪雲欲墮竹梢低倘遇郭無應采入林泉高致中以當畫本

從軍行

馬上黃沙拂面行。漢家何日不勞兵。匈奴久自忘甥舅。僕射今誰托父兄。雲暗旌旗婆勒渡。月明刁斗受降城。左賢早待長繩縛。莫遣論功白髮生。

忘世人有此悲壯之
作諸選本往往遺之

寫懷寄僧

虛壁疎燈一穗紅。閑階隨處亂鳴蟲。明河有影微雲外。清露無聲萬木中。澤國蒼茫秋水滿。居民流落野煙空。不知誰解拋憂患。獨對青山憶贊公。

史

鑑

鑑字明古
吳江布衣

子昂蘭

國香零落佩纒空。芳草青青合故宫。誰道有人和淚寫。託根無地怨東風。

戴

冠

冠字章甫長洲人以貢授紹興府訓導後又有
兩戴冠一字仲鸞信陽人一字南枝山陰人

題姚少師畫竹

北地風高捲塞雲。驚沙吹起雁成羣。客邊偶寫龍孫譜。忘却江南有此君。

王湛求云風
人善語之遺

莫

止

止字如山無錫人。句如天闕一聲何處雁江平千里獨歸舟風致倚然自遠

昭君曲

但使邊城靜。蛾眉敢愛身。千年青冢在。猶是漢宮春。

李夢陽

夢陽字天賜。更字獻吉。慶陽人。從扶溝宏治癸丑進士。官戶部員外。彈劾壽寧侯張瑄。致瑄釋。之進。郎中。代尚書。韓文。草奏。勅劉瑾。坐奸黨。致仕。起江西提學。副使。寧庶人既誅。獄詞連及尚書林俊。力持之。得免。卒。後弟子私謚文毅。天啟中。追謚景文。○空同五言古宗。法陳思。康樂。然過於雕。刻。未極自然。七言古。雄渾悲壯。縱橫變化。七言近體。問合動盪。不拘故方。準之杜陵。幾於具體。故當雄視一代。邈焉。客傳。而錢受之。誠其模。擬。劉。陵。實。有。西。目。太。肖。處。集。中。讀。書。種。子。從。此。斷。絕。吾。不。知。其。為。何。心。也。○追。逐。少。陵。實。有。西。目。太。肖。處。集。中。掃。而。空。之。不。欲。使。括。聲。前。賢。者。得。以。藉。口。

內教場歌

內教場者。李子紀時事而作也。帝自將練兵於內庭。

雕弓豹韉騎白馬。大明門前馬不下。徑入內。伐鼓大。同。耶。宣。府。耶。將。軍。者。許。耶。一武

臣不習威。奈彼四夷。西內樹旗。皇介夜馳。鳴砲烈。火。嗟。嗟。辛。苦。二解

湘妃怨

采蘭湘北。汴。寥木。澧南。潯。淶水含瑤彩。微風托玉音。雲起蒼梧夕。日落洞庭陰。不知

篁竹苦。惟見淚斑深。

雜詩

稅糧蝕以傾。梁棟誠獨難。流言播四國。周公有疑患。涼飈激頽景。奄忽不可攀。衆羽日續紛。朱鳥戢其翰。殺身苟無益。去去從所安。傷哉式微詩。千載起予歎。茅以斂為席。栢以勁為薪。君子憂治世。愚者幸不辰。張置以待兔。雉也災其身。物理雖云殊。罹脫各有因。浮沙卷奔藿。朔吹揚驚塵。日暮臨大道。悵望曷能陳。登山望四海。日夕忽至沉。俯身眺城郭。痼然沾我襟。交路夾芳蘭。逝駒何駸駸。朱樹謁閑樹。奇巧媚荒淫。北里進異舞。高堂呈妙音。織羅振芬芳。朝雲遞嘉吟。不見秋日草零落。愁春心。

衛上別王子

晨風應候至。雞鳴各嚴車。我今遊宋中。子當旋舊閭。僕夫理前綬。轅馬悲鳴趨。一別阻秦周。相望萬里餘。首春霜露重。厚汝征衣襦。昔為同袍士。今在天一隅。故者日以遠。疇能察區區。

土兵行

贛州賊作亂都御史陳金奏調廣西狼兵征之土兵行所由作也

豫章城樓飢。啄鳥黃狐跳。跟追赤狐北。風北來江怒。湧土兵。攫人人。叫呼城外之人。徙城內。塵埃不見章江塗。花裙蠻奴逐婦女。白奪釵。劍換酒沽。父老向前語蠻奴。慎勿橫行王法誅。華林桃源諸賊徒。金帛子女山不如。汝能破之惟汝欲。犒賞有酒牛

羊豬大者陞官佩綬趨蠻奴怒言萬里入爾都爾生我生屠我屠勤弓毒矢莫敢何
意氣似欲無彭湖彭湖翩翩飄白旗輕舸蔽水陸走車黃雲卷地春草死烈火誰分
瓦與珠寒崖日月豈盡照大邦魑魅難久居天下有道四夷守此輩可使亦可虞何
況土官妻妾俱美酒大肉吹笙竽

楊用修云只以謠諑近語入詩史而古不可及歸結正論少陵亦云此輩少為貴也

豆莖行

昨當大風吹雪過湖船無數冰打破水驤萬崑山嶽立行人駭觀波交墮景泰年間
一文雪父老見之無此禍鄱陽十日路斷絕廬山百姓啼寒餓旌竿凍折聲鼓啞浙
軍楚軍袖手坐將軍部兵蔽江下飛報沿江催豆莖邑官號呼手足皴馬驟難天遺
眠臥前時邊達三千軍五箇病熱死兩箇彎弓值凍不敢發昔何猛毅今何懦李郭
鄴城圍不下裴度淮西手可唾從來強弱不限域任人豈論小與大當衛寡婦攜兒
哭秋禾枯槁春難播縱健徵科何自出大兒牽纜陸挽馱

似古語諷便順生
硬處正不易到

明星篇

明星出地一丈高天門沉沉魚鱗動沙隄露下玉珂寒直廬難唱金蓮重千門萬戶
曉鐘發明星漸高河漸沒燦爛疑侵翔鳳樓依稀故抱飛龍闕鳳樓龍闕帶層城翠
輦朱衣夜夜行黃昏競奏催花宴天明猶聽打毬聲蘭煙桂火輝如日明星迢迢照

不入百子池頭青草生。長信宮中紫苔集。草色苔香秋復春。此日乘槎若問津。明星
曉落宵還見。白髮黃金愁殺人。

漢京篇

漢京臨帝極。複道衆星羅。煙花開甸服。錦繡列山河。山河自古稱佳麗。城中半是王
侯第。峻閣重樓夾道懸。雲房霧殿森虧蔽。牧豚賣珠登要津。樊侯亦是鼓刀人。時來
叱咤生風雨。奄見吹噓走鬼神。平津結兄盡侯弟。杯酒相看何意氣。執鞭盡是虎賁
郎。守門不數長安尉。長安烽火入邊城。挺劍辭君萬里行。去日千官遮馬餞。歸來天
子降階迎。朱弓尚抱流沙月。寶鉞常飛瀚海星。不分燕然先勒石。直教麟閣後標名。
豈知盛滿多仇忌。可惜繁華如夢寐。地宅田園奪與人。丹書鐵券成何事。霍氏門前
孤夜號。魏其池館長蓬蒿。三千食客今誰在。十二朱樓空復高。後車不戒前車覆。又
破黃金買金谷。洛陽亭榭與山齊。北邙車馬如雲逐。陰郭豪華真可憐。雲臺將相珥
貂連。當時却怪桐江叟。猶著羊裘伴帝眠。
功高自滿千古同。病漢轉陸後其祠成也。宋以不受爵祿者點破昏庸與李爾漢朝功臣楊德祖篇歸劉

魯連蹈海
同一作法

去婦詞

正德元年戶部尚書韓文。暨內閣師保等。咸相繼去位。李子作此詞也。

孔雀南飛雁北翔。含顰攬涕下君堂。繡幃空留並蕙苞。羅袂尚帶雙鴛鴦。蕙苞鴛鴦
誰不羨。人生一別何由見。只解黃金頃刻成。那知碧海須臾變。賤妾甘為覆地水。郎
君忍作離弦箭。憶昔嫁來花滿天。賤妾郎君俱少年。瑤臺築就猶嫌惡。金屋裝成不
論錢。重樓複道天中起。結綺臨春照春水。宛轉流蘇夜月前。萋迷寶瑟煙花裏。夜月
煙花不相待。安得朱顏常不改。若使相逢無別離。肯放馳波到東海。薄命難教娣姒
知。哀年恨少姑嫜在。長安大道接燕川。鄰里攜壺舊路邊。妾悲妾怨憑誰首。君舞君
歌空自憐。郎君豈是會稽守。賤妾寧同會稽婦。郎乎幸愛千金軀。但願新人故不如。
深婉可
以悲矣

朝飲馬送陳子出塞

朝飲馬。夕飲馬。水鹹草枯馬不食。行人痛哭長城下。城中白骨借問誰。云是今年築
城者。但道辭家別六親。寧知九死無還身。不惜身為城下土。所恨功成賞別人。去年
賊掠開城縣。黑山血迸單于箭。萬里黃塵哭震天。城門盡閉無人戰。今年下令修築
邊。丁夫半死長城前。城南城北秋草白。愁雲日暮鳴胡鞭。

胡馬來再贈陳子

冬十二月。胡馬來。白草颼颼黃雲開。沿邊十城九城閉。賀蘭之山安在哉。傳聞清水

不復守。遊兵早扼黃河口。即看烽火入甘泉。已詔將軍屯細柳。去年穿塹長城裏。萬人齊出千人死。陸海無毛殺氣蒸。五月零冰凍河水。當時掘此云胡備。胡人履之猶坦途。聞道南侵更西下。韋州固原今有無。從來貴德不貴儉。英雄豈可輕為謨。尚書號令速雷電。抱玉誰敢前號呼。遂令宵旰議西討。茲咎只合歸吾徒。我師如貌將如虎。重九按劍赫斯怒。惜哉尚書謝歸早。不覩將軍報平虜。軒然而來神勇無敵

贈何舍人齋詔南紀諸鎮

先皇乘龍去不返。悲風慘淡吹宸極。四海哭若喪慈母。百官狂走天為黑。憶昨臨危坐御牀。手挈神器歸今皇。密語丁寧肺腑裂。三老親聞眼流血。金縢立剖石室秘。此事難從外人說。吾君謙讓不可得。割哀踐阼宏祖烈。日月重懸萬國朝。雷雨敷過羣方悅。越南海北霹靂動。蠻夷盡奉王正月。此時九道使臣出。舍人亦輟螭頭筆。白馬朝騰薊北雲。錦帆暮閃江沱日。江沱秋交多烈風。洞庭雲夢俱眼空。巴陵縣令舍人兄。接詔會弟西樓中。童年題詩在高壁。六載不到紗為籠。南嶽以南為峻山。苦蒸毒霧何盤盤。天王新令雷電掣。妖蛇不敢啼林端。五溪官長喘喙拜。黔州父老垂淚看。却瞻蒼梧雲氣黑。斑竹臨江怨幽色。翠華縹緲空冥間。此恨此事誰知得。君不見馬援柱孔明碑。剝落黃蒿裏。千年莓苔待君洗。萬里之行自此始。歸來何以獻天子。

奉送大司馬劉公歸東山草堂歌

東山有草堂。縹緲雲嶠孤。前對祝融峰。下瞰巴陵湖。明公昔時此堂居。麋鹿熊豕當
窗趨。洞庭日落風浪湧。倒影射堂堂。欲動慘淡誰聞紫芝曲。獨善不救蒼生哭。先帝
親裁五色詔。老臣曾受三朝祿。此時邊徼多戰聲。曳履謁帝登承明。謝安笑却淮淝
敵。魏相坐測單于兵。九重移榻數召見。夾城日高未下殿。英謀密語人不知。左右微
聞至。尊羨自從龍去不可攀。公亦卧病思東山。湘娥含笑倚竹立。山鬼窈窕堂之側。
上書苦死只欲歸。聖旨優容意悽惻。內府盤螭縷金織。賜出傾朝皆動色。白金之鉅
紅粟記。寶鈔生硬鴉翎黑。崇文城門水雲白。是日觀者塗路塞。城中冠蓋盡相送。塵
埃遮斷長安陌。人生富貴豈有極。男兒要在能死國。不爾抽身早。亦得君不見漢二
疏。千載想慕傳畫圖。即如草堂何處無祿食。醜竊胡為乎。乃知我公真丈夫。嗚呼。乃
知我公真丈夫。從橫排宕不求合法自然中節子由所云千金戰馬注
故舊淵如復平地者也英謀密語十四字是孝宗實錄

送李帥之雲中

黃風北來雲氣惡。雲洲健兒夜吹角。將軍按劍坐待曙。紇干山。搖月半落槽頭馬鳴
士飯飽。昔無完衣今繡襖。沙場緩轡行射鵬。秋草滿地單于逃。

送李中丞赴鎮

黃雲橫天。海氣惡。前飛鷺。鶴後叫。鶴陰風。夜撼。醫巫閭。曉來雪片如手落。中丞按轡東視師。躬歷險隘。揮熊貔。已嚴號令。偃鼓角。更掃日月。開旌旗。椎牛李牧。將士躍。射虎李廣。匈奴知。屯田金城。古不謬。賣劍渤海。今其時。塞門蕭蕭。風馬鳴。長城雪殘。春草生。低飛鴻雁。胡沙靜。遠遁鯨鯢。瀚海青。不觀小范。擒戎日。誰信胸中。十萬兵。北地最工

起手蒼涼沉鬱神乎老杜

上元訪杜鍊師

宣王昔時乘八風。御龍游戲行煙空。馬前兩兩侍玉女。別館多在蓬萊宮。朝天宮中舊時殿。樓臺盡鎖無人見。琉璃井塌青苔滿。松柏森森月如鍊。嗚呼往事難具陳。燈火如山又一春。北斗壇西訪隱淪。我師黃衫白氎巾。生我更致西樓賓。玉杯潑灑赤瑤瑤。纖罽四角銀麒麟。酒肉山堆滿堂醉。仙廚往往來八珍。孝宗之朝五真人。師也磊落當其倫。自言召見親賜食。曾把丹書獻紫宸。如今寂寞看春色。銀魚玉帶無消息。豈惟魚帶無消息。欲語吞聲淚沾臆。勸師對此莫酸辛。世間萬事如轉輪。且將芝草供生計。聊與煙霞作主人。月偏彩雲堂牖生。旋呼兩童吹玉笙。聞師妙得逡巡術。百壺倒盡還須傾。古來仙子向誰在。飲者翻垂千載名。名垂千載亦區區。酒闌燈昏夜復徂。不見秦陵草已宿。春生樹啼雙老鳥。此時亦應羣帝趨金燈。翠旗光有無。君故

之思寤得
神靈恍惚

石將軍戰場歌

清風店南逢父老。告我已巳年間事。店北猶存古戰場。遺鏃尚帶勤王字。憶昔蒙塵
實慘怛。反覆勢如風雨至。紫荊關頭晝吹角。殺氣軍聲滿幽朔。胡兒飲馬彰義門。烽
火夜照燕山雲。內有于尚書。外有石將軍。石家官軍若雷電。天清野曠來酣戰。朝廷
既失紫荊關。吾民豈保清風店。牽爺負子無處逃。哭聲震天風怒號。兒女牀頭伏鼓
角。野人屋上看旌旄。將軍此時挺戈出。殺敵不異草與蒿。追北歸來血洗刀。白日不
動蒼天高。萬里煙塵一劍掃。父子英雄古來少。單于痛哭倒馬關。羯奴半死飛狐道。
處處懽聲噪鼓旗。家家牛酒犒王師。應追漢室嫖姚將。還憶唐家郭子儀。沉吟此事
六十春。此地經過淚滿巾。黃雲落日古骨白。砂磧慘淡愁行人。行人來折戰場柳。下
馬坐望居庸口。却憶千官迎駕初。千乘萬騎下皇都。乾坤得見中興主。殺伐重聞載
造圖。姓名應勒雲臺上。如此戰功天下無。嗚呼戰功今已無。安得再生此輩西備胡。
追北歸來二語捫之字字俱起靈稜。石亭蹠危伏法臣節有廟要之戰功不可埋沒此特表其戰功也上
皇追國寶由尚書之守將軍之戰作者特為表出中云還憶唐家郭子儀以不失臣節愧之也此作者微意

玄明宮行

今冬有人自京至。向我道說玄明宮。土木侈麗誰辨此。乃令遺吳京城東。割奪面勢